

ZORALONE SYRUP

Prednisolone (3mg/5ml)

Apakah yang ada pada risalah ini?

1. Apakah kegunaan Zoralone Syrup
2. Bagaimana Zoralone Syrup berfungsi
3. Sebelum menggunakan Zoralone Syrup
4. Cara menggunakan Zoralone Syrup
5. Semasa menggunakan Zoralone Syrup
6. Kesan-kesan sampingan
7. Cara penyimpanan dan pelupusan Zoralone Syrup
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Risalah ini menjawab beberapa soalan lazim tentang Zoralone Syrup. Ia tidak mengandungi semua maklumat yang tersedia. Ia juga tidak menggantikan tempat ahli farmasi atau doktor anda.

Semua ubat mempunyai risiko dan manfaat. Ahli farmasi atau doktor anda telah mempertimbangkan risiko anda mengambil Zoralone Syrup berbanding manfaat yang mereka jangka untuk anda.

Simpan risalah ini bersama ubat.

Anda mungkin perlu membacanya lagi.

Apakah kegunaan Zoralone Syrup

Zoralone Syrup digunakan dalam rawatan pelbagai keadaan:

- Asma
- Gangguan alahan
- Demam disebabkan oleh keradangan yang boleh berlaku selepas jangkitan bakteria
- artritis reumatoid (sakit dan keradangan sendi)
- Penyakit radang kulit

Zoralone Syrup juga digunakan untuk mengurangkan simptom keradangan (seperti bengkak, kemerahan, sakit, atau gatal) pada bahagian kulit.

Bagaimana Zoralone Syrup berfungsi

Zoralone Syrup mengandungi Prednisolone sebagai bahan aktif.

Ia berfungsi dengan memasuki sel-sel radang dan menghalang tindak balas keradangan.

Tanya ahli farmasi atau doktor anda sekiranya anda mempunyai sebarang pertanyaan tentang ubat ini.

Sebelum mengambil Zoralone Syrup

-Bila tidak boleh menggunakan

Jangan menggunakan Zoralone Syrup sekiranya:

- Anda alahan kepada Prednisolone atau glucocorticoids atau mana-mana bahan seperti yang disenaraikan di hujung risalah ini.
- Anda menghadapi ulser perut, osteoporosis (tulang rapuh), psikosis (masalah mental), psychoneurosis teruk (masalah mental), jangkitan bakteria akut, sesetengah jangkitan virus contohnya varicella, herpes genitalis dan glaukoma (peningkatan tekanan di dalam mata)

-Sebelum mula menggunakan

Pertumbuhan dan perkembangan bayi dan kanak-kanak dalam terapi glukokortikoid yang berterusan harus diperhatikan.

Sila maklumkan pada doktor jika anda mempunyai masalah berikut:

- batuk kering (jangkitan bakteria biasanya berlaku pada paru-paru)
- tekanan darah tinggi
- gula dalam urin
- tahap kalium dalam darah yang rendah
- ketidakselesaan perut
- perubahan mental

Doktor anda boleh hentikan ubat secara beransur-ansur, meningkatkan dos atau memulakan semula terapi glukokortikoid mengikut keadaan anda.

Doktor anda boleh menjalankan beberapa ujian sebelum menetapkan prednisolone kerana Glukokortikoid boleh menyembunyikan beberapa tanda-tanda jangkitan dan jangkitan baru boleh muncul.

Semasa terapi glukokortikoid, anda tidak boleh disuntik dengan vaksin hidup.

-Jika menggunakan ubat-ubat lain

Beritahu doktor or ahli farmasi anda jika anda menggunakan sebarang ubat lain, termasuk semua yang dibeli tanpa preskripsi dari farmasi, pasar raya atau kedai makanan kesihatan terutamanya:

- barbiturates-sejenis ubat sedatif
- phenylbutazone-analgesik (mengurangkan kesakitan)
- phenytoin-merawat sawan
- rifampicin-antibiotik untuk jangkitan bakteria
- antikoagulan-menghalang pembekuan darah
- diuretik-menggalakkan pengeluaran air dari badan.

Cara menggunakan Zoralone Syrup

-Berapa banyak harus digunakan

Dos bergantung kepada keadaan yang dirawat dan tindakbalas anda terhadap rawatan. Dos permulaan anda akan dikekalkan atau diselaraskan sehingga tindakbalas yang memuaskan dicapai.

Untuk kanak-kanak yang mempunyai perembesan hormon yang normal, disyorkan 0.5 hingga 2 mg per kg prednisolone seharian dibahagikan kepada 3 atau 4 dos selepas makan.

-Bila perlu digunakan

Zoralone Syrup sebaiknya diguna sejurus selepas makan.

Berapa kerap Zoralone Syrup boleh diambil mungkin berbeza bergantung kepada keadaan yang sedang dirawat. Jika anda menggunakan **Zoralone Syrup**:

Sekali sehari: Lebih baik diguna pada masa yang sama setiap hari seperti yang diarahkan oleh doktor anda.

Beberapa kali sehari: Lebih baik jika dos dijarakkan sama rata sepanjang hari.

Jangan tertinggal mana-mana dos dan jangan berhenti menggunakan ubat walaupun anda berasa lebih sihat.

-Berapa lama perlu digunakan

Teruskan menggunakan Zoralone Syrup seperti yang diberitahu oleh doktor atau ahli farmasi anda.

Ini bergantung kepada keadaan anda dan tindak balas anda terhadap rawatan. Sesetengah orang hanya memerlukan ubat ini untuk tempoh yang singkat sementara orang lain mungkin memerlukan rawatan jangka panjang.

-Jika terlupa menggunakan

Ambil dos yang terlepas sebaik sahaja anda mengingatnya. Jika ia menghampiri waktu untuk dos anda yang berikutnya, langkau dos yang terlepas dan ambil ubat pada waktu berjadual tetap yang berikutnya.

Jangan menggandakan pengambilan dos untuk menggantikan dos yang tertinggal.

Jika menggunakan berlebihan (terlebih dos)

Telefon doktor anda dengan segera untuk mendapatkan nasihat atau pergi ke Bahagian Kecemasan dan Kemalangan di hospital terdekat, jika anda berfikir bahawa anda atau orang lain mungkin telah menggunakan terlalu banyak Zoralone Syrup.

Semasa menggunakan Zoralone Syrup

-Perkara yang perlu dilakukan

Jika anda ingin memulakan penggunaan ubat baru yang lain, maklumkan ahli farmasi atau doktor anda yang anda sedang mengambil Zoralone Syrup.

-Perkara yang tidak boleh dilakukan

Jangan mula mengambil sebarang ubat baru tanpa berbincang dengan doktor atau ahli farmasi anda.

-Perkara yang perlu diberi perhatian

Pemerhatian khusus diperlukan sepanjang penggunaan Zoralone Syrup.

Kesan-kesan sampingan

Beritahu doktor atau ahli farmasi anda secepat mungkin jika anda tidak berasa sihat semasa anda menggunakan Zoralone Syrup.

Zoralone Syrup membantu kebanyakan orang yang mengambilnya tetapi ia mungkin mempunyai kesan sampingan yang tidak diinginkan pada sesetengah orang. Semua ubat mempunyai kesan sampingan. Kadang-kadang ia serius, tetapi kebanyakannya tidak serius.

Beberapa kesan sampingan hanya dapat dikesan oleh doktor anda. Jadi, apabila Zoralone Syrup diguna untuk jangka masa yang lama, adalah penting untuk berjumpa dengan doktor anda secara berkala untuk pemeriksaan.

Beberapa kesan sampingan adalah seperti berikut:

- Gangguan keseimbangan elektrolit – Pengekalan air dan natrium dengan bengkak dan tekanan darah tinggi meningkatkan penyingkiran kalium dengan kemungkinan tahap kalium dalam darah yang rendah.
- Kesan metabolik – Pergerakan kalsium dan fosforus dengan osteoporosis (tulang rapuh) & tulang retakan spontan, kekurangan nitrogen akibat pemecahan protein, paras gula darah tinggi, meningkatkan keperluan untuk insulin atau agen hipoglisemik oral dalam penyakit kencing manis.
- Gastrosus - ulser perut dengan kemungkinan penembusan dan pendarahan, keradangan pankreas.
- Saraf - tekanan darah tinggi dalam tengkorak dan sakit kepala.
- Pemulihan tisu – Lambat penyembuhan luka dan akan meningkatkan liabiliti kepada jangkitan.
- Endokrin - pertumbuhan kanak-kanak yang terbantut.
- Otot skeletal - Kelemahan otot, nekrosis aseptik tulang (kematian tisu tulang akibat kekurangan bekalan darah)
- Oftalmik seperti katarak subkapsular posterior (kekaburan

kanta mata), peningkatan tekanan dalam mata.

Sesetengah orang mungkin mendapat kesan sampingan yang lain semasa menggunakan Zoralone Syrup.

Jangan terkejut dengan senarai kesan sampingan yang mungkin berlaku. Anda mungkin tidak akan mengalaminya.

Jika anda mengalami mana-mana kesan sampingan ini, walaupun yang tidak dinyatakan di dalam risalah ini, maklumkan doktor atau ahli farmasi anda.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui No. Tel: 03-78835550, atau laman web portal.bpfk.gov.my (*Consumers → Reporting*).

Cara penyimpanan dan pelupusan Zoralone Syrup

-Penyimpanan

Simpan di bawah suhu 30° C.
Tutup dengan rapat.
Lindungi daripada cahaya.
Jauhi daripada kanak-kanak.

-Pelupusan

Lupuskan ubat selepas tarikh luput.
Sila dapatkan nasihat ahli farmasi tentang cara pelupusan sebarang ubat yang tidak digunakan lagi.

Maklumat lanjut

-Rupa dan warna produk

Zoralone Syrup adalah cecair sirap kekuningan yang mempunyai aroma raspberry dan perisa pudina manis diikuti dengan rasa pahit.

Zoralone Syrup boleh didapati dalam botol PET 60ml, 90ml, dan botol PE 120ml, 3600ml.

-Bahan-bahan kandungan

Bahan aktif:
Setiap 5ml mengandungi 3mg Prednisolone .

Bahan tidak aktif:
Sodium Benzoate, Citric Acid, Chloroform Spirit, Aniseed Oil, Raspberry flavour, Banana Flavour 103, Menthol, Sucrose, Saccharin Sodium, Peppermint Oil dan Purified Water.

Nombor MAL: MAL19870539AZ

Pengilang dan Pemegang Pendaftaran Produk

HOE Pharmaceuticals Sdn. Bhd.
Lot 10, Jalan Sultan Mohd. 6,
Bandar Sultan Suleiman,
42000 Port Klang, Selangor,
Malaysia.

Tarikh kemaskini RiMUP

17/02/2016

Nombor siri:

BPFK(R4/1)230915/00322